

欽定廓爾喀紀畧

卷十七

欽定廟廟略紀畧

卷八

欽定廓爾喀紀畧卷十七

乾隆五十七年正月初六日

丙子

上諭內閣曰前因廓爾喀侵擾後藏派令鄂輝成德

巴忠前往辦理巴忠自恃御前侍衛率意專擅欲

圖草率完事且因通曉唐古忒語言輒向噶布倫

丹津班珠爾等私自計議與廓爾喀說和令其退

回侵佔之聶拉木濟隴宗喀三處每歲議給元寶

三百個作爲地租嗣因丹津班珠爾以事已完畢
未照前議給銀致廓爾喀復行滋擾去年起事之
時巴忠自知罪重卽投河自盡若其身尚在必當
正法今已倖免刑誅伊子蒙古奏事處三等侍衛
僧額布著降爲藍翎侍衛在大門上行走以示懲
儆

初七日

丁丑

勒保奏言

臣

前抵西寧時據護理莊

浪土司魯孫氏呈稱氏夫魯璠在日曾于四十
九年勦滅逆回案內打仗出力仰蒙

人皇帝賞給二品頂帶孔雀花翎嗣因氏夫身故氏

子魯紀勛年未及歲令氏暫行護理土司印務

近聞大兵進勦廓爾喀從此出口一路需用柴

薪情愿趕辦乾柴十二萬斤運赴丹噶爾交納

以備應用等情

臣

查該土司世受

國恩今因口外需用柴薪情殷報効其瀝情抒悃實屬至誠懇切且西寧地方並不出產柴薪正在需用之際所辦甚爲得濟臣當卽准其所請並諭以如此踴躍急公實爲可嘉自當遇便奏聞上邀

獎賞嗣據該土司將所辦乾柴十二萬斤用車運至丹噶爾照數交納伏念魯孫氏係邊徼土司且

屬女流能知大義實堪嘉許今其子魯紀勛年
已十四明春卽應承襲指揮世職可否仰懇

鴻慈准將伊父所戴花翎

賞給魯紀勛戴用以示獎勵之處出自

皇上天恩奏入

上諭內閣曰莊浪土司魯璠在日于勦捕甘肅逆回
時曾經隨征出力賞戴花翎今魯孫氏一聞大兵

進勦廓爾喀卽請備柴薪十二萬斤運至丹噶爾
地方以資應用邊徼土司又屬女流能知大義甚
屬可嘉著賞給大緞二疋伊子魯紀勛現在年已
十五歲卽著承襲指揮使世職並加恩賞戴花翎
以示獎勵

初十日庚辰成德奏言臣于十月二十六日行抵

前藏曾將籌辦事宜及帶兵前進節經奏

聞嗣至後藏迎遇仲巴呼圖克圖遵

旨赴京感戴

天恩甚爲誠切其占卜惑衆之濟仲堪布業經鄂輝
審明剝黃正法凡僧俗人等無不感服

聖主正教明刑至意並諭以軍行糧食發價採買亦
俱趕緊辦運惟因後藏經賊匪蹂躪之後應付
烏拉多有掣肘而砲位子藥鍋帳口糧勢必隨

軍同行不敢因烏拉掣肘稍稽前進隨令漢屯
兵丁接替背負儘力趲行仍到處訪探情形賊
自定結逃竄之後各處並無賊匪惟濟隴聶拉
木絨轄尚有賊匪逗遛近聞喀爾達及第哩浪
古通拉山一帶適因嚴寒降雪山路封阻現在
密差熟習路徑之漢屯土練番人確加跣探如
果大雪難行務必設法取道奮力前進相機勦

賊收復竭力勉爲稍贖前愆

同日鄂輝奏言查前此嚴廷良報獲賊匪十一

名原稟內稱三名係新撒之人均經同日起解

茲據總兵穆克登阿稟稱十一月二十八日在

江孜地方適有定結解來賊匪十一名除病故

二名查點寔有九名該鎮在彼畧訊供詞飭令

次日起解詎有折孟雄番犯三名于二十九日

晚間脫逃現已拏獲囉卓一名其在逃之德結郎
戮南坦多爾結二名現在上緊緝拏等情臣訊
之原派第巴彭錯拉木結定本索敦及兵丁羅
治等僉稱交與江孜營官第巴派人看守而營
官等現在均未前來無可質對必須質審明確
方可定伊等之罪除飛飭將逃犯二名上緊嚴
拏務獲究報外合先奏明均奏入

上命軍機大臣傳諭福康安曰據成德鄂輝所奏各摺此事總由鄂輝成德遷延貽悞以致定結賊匪得以逃竄今成德節奉嚴飭諭旨始行跣探道路前赴邊界鄂輝亦甫由前藏起程接應成德皆屬緩不及事至成德摺內稱聞喀爾達及第哩浪古通拉山一帶因嚴寒降雪山路封阻等語喀爾達一帶旣因氣候寒冷大雪封山其逗遛賊匪自不

能退回巢穴若賊人能往則我亦能往豈有我兵
爲雪所阻而賊匪不爲雪阻之理成德旣貽誤于
前卽巧辯亦復何益此時福康安尅期可以抵藏
自能相機進勦亦不藉鄂輝成德二人辦理惟是
福康安到彼後須察看情形如賊匪屯聚尚多非
厚集兵力不足以痛加殲戮大示懲創轉不必過
于欲速輕率前進卽使連得勝仗收復邊界而賊

匪或乘間逃逸竄入深山窮谷跟蹤追剿轉爲費
力福康安惟當酌量機宜如兵力未齊不妨畧爲
停待統俟海蘭察及巴圖魯侍衛章京索倫勁旅
等接續到齊所調屯練番兵亦俟全數齊集出其
不意統領大兵奮勇前進將逗遛賊匪一鼓殲擒
卽乘兵威勝勢直搗巢穴更可一舉集事迅奏膚
功又據鄂輝奏拏獲折孟雄番犯三名均係新撒

之人新撒地方究在何處是否另一部落著福康
安嚴訊折孟雄各犯務令其據實供出究係何處
部落之人是否廓爾喀糾約幫助同夥共有若干
卽行具奏又另奏拏獲三名于途次乘間逃脫囉
卓一名現已追獲其德結郎戮南坦多爾結二名
尚未就獲等語此等被獲賊番自應小心防範乃
原派第巴兵丁及江孜營官並不加意管押互相

推諉以致要犯脫逃不可不嚴行查究重治其罪
並著福康安將脫逃之犯或係第巴兵丁等沿途
疎脫抑係江孜營官失于管束查訊明確嚴加責
懲所有未獲二犯想亦逃匿不遠未必能竄回巢
穴必當上緊緝拏務獲毋任潛匿稽誅

十三日

癸未

鄂輝奏言

臣

欽奉

上諭保泰奏戴琫薩木珠令巴因傷身故是否實係